

Dragi prijatelji/ce,

Predstavljamo vam **avgustovsko** izdanje mjesečnog, informativnog Biltena Omladinskog resursnog centra (ORC) Tuzla i Omladinske mreže Bosne i Hercegovine koja za sada broji **179** organizacija i **113** pojedinaca iz **75** mjesta BiH.

Bilten trenutno izlazi na bosanskom-srpskom-hrvatskom i engleskom jeziku.

Sadrži informacije o radu Omladinskog resursnog centra (ORC-a) Tuzla, mjesečne aktivnosti omladinskih organizacija, neformalnih grupa i pojedinaca - članova Omladinske mreže Bosne i Hercegovine, njihove planove za naredni period i ostale korisne obavijesti namijenjene mladima i NVO sektoru (donatorski pozivi za projekte, konferencije, seminare, školarine, stipendije i sl.).

Ukoliko želite da budete na mailing listi za naredna izdanja mjesečnog informativnog Biltena, ili ako imate pitanja ili sugestije, javite nam se. Mjesečni informativni Bilten, kao i arhivu dosadašnjih izdanja možete naći i na web stranici Omladinske mreže Bosne i Hercegovine:



<http://www.omladina-bih.net>

Uživajte u čitanju!!

SADRŽAJ

Aktivnosti u avgustu 2015.	2
Planovi za septembar 2015.	5
Aktivnosti dijela članica mreže	6
Informacije / donatori / pozivi	19

AKTIVNOSTI ORC/ hCa U AVGUSTU 2015.

✚ PREKOGRANIČNA GRAĐANSKA MREŽA ZA MIR, POMIRENJE I SIGURNOST LJUDI NA BALKANU



Claim!

CITIZEN'S NETWORK FOR PEACE, RECONCILIATION AND HUMAN SECURITY

U okviru partnerskog projekta „*Prekogranična građanska mreža za mir, pomirenje i sigurnost ljudi na Balkanu*“ - u Prištini (Kosovo), u periodu od 5. do 11. avgusta održana je druga po redu ljetna škola „*Humanizing security*“. Na ljetnoj školi učestvovali su studenti iz Turske, Bugarske, Srbije, Bosne i Hercegovine, Crne Gore, Makedonije, Kosova i Albanije.

Organizator ljetne škole bio je „Centar za istraživanje, dokumentaciju i publikovanje“ Priština, uz partnere iz Turske, Bugarske, Srbije, Crne Gore i Bosne i Hercegovine.



Tokom sesija, zanimljivih predavanja i prezentacija učesnici ljetne škole imali su prilike upoznati se sa konceptom ljudske sigurnosti u Turskoj i na Balkanu, te o onome što smo do sada uradili u okviru partnerskog projekta.

U sklopu projektnih aktivnosti u ovom regionalnom partnerskom projektu, Omladinski resursni centar (ORC) Tuzla, te naši istraživači iz PRONI-ja Brčko započeli su terenske aktivnosti na istraživanju „Aspekt ljudske sigurnosti mladih koji žive u kolektivnim centrima, ili „alternativnim smještajima“ u BiH (fokus grupe i intervjuji u kolektivnim centrima). Više o ovome u narednim biltenima i na našoj web stranici.

Projekat „Prekogranične građanske mreže za mir, pomirenje i sigurnost ljudi na Balkanu“ implementira Helsinški parlament građana Turska, zajedno sa partnerima: ADP ZID Crna Gora, SeConS Srbija, Institut za regionalne i internacionalne studije Bugarska, Centar za istraživanje, dokumentaciju i publikovanje Kosovo, Omladinski resursni centar Tuzla. Projekat je podržan od Evropske Unije.

✚ YET TUZLA – UVIJEK POSTOJI IZBOR – GRAĐANSKA HRABROST U VREMENU RATA I MIRA

"There is always a choice" – Civil courage in times of war and peace (Uvijek postoji izbor – Građanska hrabrost u vremenu rata i mira) naziv je konferencije za mlade koja je održana u Tuzli od 27. do 30. avgusta 2015. Ovaj događaj odvijao se na pet različitih lokacija: na Trgu slobode, u Međunarodnoj galeriji portreta, Domu mladih Tuzla, Kući plamena mira i Bosanskom kulturnom centru u Tuzli.

Preko 150 mladih ljudi iz cijelog regiona (Srbije, Hrvatske, Bosne i Hercegovine, Makedonije, Crne Gore, Italije i Njemačke), su tokom četiri dana konferencije imali priliku analizirati prošlost kroz različite debate, edukativne radionice i panel diskusije, kako bi predložili odgovarajuće metode i građanske akcije za budućnost bez nasilja.

Ova konferencija je bila prilika i mjesto za refleksiju i razmjenu dobrih praksi i projekata između mladih koji su aktivni u NVO sektoru, ali i onih manje aktivnih. Tokom konferencije učesnici, ali i građani Tuzle imali su priliku pogledati i predstave:

„**MIMAR**“ – MTM 1974 Mostar, „**Šmizle**“ - Gradsko kazalište mladih Vitez i „**Put U Lili Put**“ - DIS teatra mladih Banja Luka.

Organizatori ovog događaja bili su: Forum Civil Peace Service u BiH i Post – Conflict Research Center u BiH (PCRC), u saradnji sa Omladinskim resursnim centrom (ORC) Tuzla, IPAK - Mladost gradi budućnost Tuzla, Humanity in Action BiH, EUROCLIO – HIP BiH, Mladi volonteri Visoko, Srce Grada Goražde, Mreža za izgradnju mira BiH i Pax Christi Auchen Njemačka.



Samom radu YET 2015 nemjerljiv doprinos dali su volonteri iz Omladinske grupe Omladinskog resursnog centra Tuzla, kojima se ovom prilikom zahvaljujemo.

✚ PRIPREMNI SASTANAK U SKLOPU RAZMJENE UČENIKA BIH – NJEMAČKA



U sklopu projekta razmjene učenika između Građevinsko–geodetske škole Tuzla, BiH i srednje opšte škole Reuschenberg iz Elsdorfa, Njemačka, a pod pokroviteljstvom Njemačkog ministarstva za obrazovanje, u Bornhaimu, Njemačka, od 14. do 17. avgusta održan je pripremni sastanak. Sastanku su prisustvovali direktor Građevinsko-geodetske škole, Mevludin Ferhatović i profesorica Azika Musemić, Elke Pascher, direktor škole Reuschenberg, volonter-aktivista Josefina Schlang iz Elsdorfa, predstavnici nosioca ovog projekta: „Internationale Begegnungen Jugendakademie Walberberg“ Beate Reuter i Philipp Sus, kao i predstavnici ORC-a Tuzla, *Slobodan Blagovčanin i Boško Vlajić.*

Na sastanku se razgovaralo o uslovima, pravima i obavezama svih uključenih u projekat: definisan je konačan broj učenika koji će učestvovati na razmjeni (15 iz BiH i 15 iz Njemačke), definisan je plan i program po kojem će učenici raditi za vrijeme svog boravka u Njemačkoj.

Tokom devet dana razmjene, učenici će raditi na upoznavanju svojih vršnjaka, razmjeni iskustava, kao i temama kao što su: demokratija, „moje viđenje budućnosti“, diskriminacija kao i mnoge druge. Na kraju ovog sastanka načelno je dogovorena posjeta učenika iz Njemačke u Tuzlu u aprilu sljedeće godine.

OMLADINSKA GRUPA ORC TUZLA

- TRENING ZA STUDENTE I STUDENTICE BOSNE I HERCEGOVINE

Trening za studente i studentice se održavao na Jahorini u periodu 31.7.-5.8.2015. Trening je imao za cilj da dio studentske populacije prepozna u sebi odgovornost za društveno djelovanje, putem susreta mladih iz raznih dijelova BiH i zajedničkog rada na temama koje se tiču prošlosti i budućnosti poslijeratnog društva, te međusobne razmjene i refleksije sudionika.

Na treningu se radilo na temama suočavanja s prošlošću, međuetničko nasilje, izgradnja mira, pomirenje, nacionalni identiteti, međuetnička suradnja, nenasilno rješavanja sukoba.



Predstavnica Omladinske grupe Omladinskog resursnog centra Tuzla bila je *Sokoli Merita*.

- XIII RASTOK FEST



XIII RASTOK FESTIVAL održao se u Jelahu u periodu 5. - 10. avgusta. Ovaj festival imao je za cilj da aktivira sve mlade u polju volonterizma, muzike i umjetnosti.

U organizaciji ovoga festivala je učestvovalo 20 volontera i 20 muzičkih grupa iz regiona.

Pored bendova koji su svirali na festivalu, svakodnevno su se održavale aktivnosti na teme: Organizacija kulturnih događaja, „Od ideje do realizacije“, radionica i izložba

fotografija: „Suživot i kulturna međuzavisnost“, grafiti radionica: „Rastok vremeplov“, večer poezije „Nebo je dovoljno veliko da nas sve jednako zagri“.

Među učesnicima festivala bila je i članica naše omladinske grupe *Sokoli Merita*.

- OMLADINSKA RAZMJENA „DON'T DREAM IT - BE IT!“

„Don't dream it - be it“ je zajednički projekat mladih iz Srbije, Hrvatske i Bosne i Hercegovine.

Teme koje su se obrađivale tokom razmjene su mentalno zdravlje, ovisnosti, zdravi stilovi života i sl. Cilj ovog projekta jeste osnaživanje mladih, kako bi raspolagali resursima u svojoj zajednici, te ih iskoristili za izgradnju vlastite budućnosti i kvalitetnijeg života, pružajući im mogućnost sticanja dodatnih znanja i vještina.

Omladinska razmjena se realizirala u odmaralištu Crvenog križa u Rogoznici od 17. do 27. avgusta. Na ovoj razmjeni učestvovalo je 36 mladih, a jedna od učesnica je i članica Omladinske grupe Omladinskog resursnog centra Tuzla.



+ REDOVNE AKTIVNOSTI:

Tokom avgusta smo u sklopu naših redovnih aktivnosti radili na održavanju i razvoju komunikacija i koordinacije unutar Omladinske mreže Bosne i Hercegovine (www.omladina-bih.net). U okviru toga smo svakodnevno na mejling listu mreže (posta@omladina-bih.net), ali i na druge adrese u Bosni i Hercegovini i regiji distribuirali informacije interesantne za mlade i omladinski aktivizam u BiH (pozivi na radionice, seminare, konferencije, pozivi za projektne aplikacije, poslovi, školarine, ostale aktivnosti), održavali i redovno dopunjavali informacije na našoj web stranici www.omladina-bih.net, slali informacije koje smo dobili od omladinskih organizacija i pojedinaca iz mreže prema vani (međunarodnim organizacijama, organizacijama u regionu, donatorima), vršili korespondenciju sa organizacijama i pojedincima zainteresovanim za rad mreže, odgovarali na upite vezane za određene aktivnosti, edukacije i ostale informacije vezane za aktivizam mladih u BiH.



PLANOVI HCA/ORC-A ZA SEPTEMBAR 2015.

- Sprovođenje redovnih aktivnosti kroz Omladinsku mrežu BiH;
- Nastavak aktivnosti u okviru „Prekogranične građanske mreže za mir, pomirenje i sigurnost ljudi na Balkanu“ (nastavak rada na istraživanju – organizovanje sastanka sa stejkholderima);
- Početak aktivnosti u okviru koraka 7 (STEP 7) ALF BiH - godišnji sastanak članica ALF BiH u Mostaru, od 3. do 5. septembra;
- Omladinska grupa Omladinskog resursnog centra radiće na realizaciji aktivnosti iz projekta „Živi zdrav život 2“.

AKTIVNOSTI ČLANICA OMLADINSKE MREŽE BIH



INSTITUT ZA RAZVOJ MLADIH KULT

Ul. 4. viteške brigade 34-36 BA, 71 210 Ilidža, Sarajevo

E-mail: kult@mladi.org

Tel.: 033 778 778; fax: 033 778 779

Web: www.mladi.org

U SARAJEVU OBILJEŽEN MEĐUNARODNI DAN MLADIH POD MOTOM „UKLJUČI SE!“

„Kad završim fakultet, želim biti poslodavac.“

„Iako nemam stan i posao, i ja želim biti tata/mama.“

„Ne živim u centru grada i želim se slobodno voziti busom i tramvajem.“

Ove poruke glasno su odjeknule danas iz centra Sarajeva. Uz podršku Populacijskog fonda Ujedinjenih naroda (UNFPA), Institut za razvoj mladih KULT je, skupa s mladima, obilježio ovogodišnji Međunarodni dan mladih pod motom „Uključi se!“.

U našoj zemlji 67,1% mladih je nezaposleno, 43% mladih misli da će njihov standard ostati isti ili se pogoršati u budućnosti, 85% mladih se informiše o seksualnom i reproduktivnom zdravlju putem televizije. Svaka šesta mlada osoba je zainteresovana za političko učešće u društvu, a 4 od 5 mladih želi napustiti Bosnu i Hercegovinu. Statistike su poražavajuće. Ipak, rješenja postoje, tvrde iz Instituta za razvoj mladih KULT.

„Problemi s kojima se suočavaju mladi u našoj zemlji su problemi s kojima se suočavaju i njihovi vršnjaci u regionu ali i u svijetu. Rješenja nisu nedostižna. U Federaciji BiH u procesu je izrada prve Strategije prema mladima FBiH koja će obuhvatiti probleme mladih u 7 različitih oblasti. Od zapošljavanja, obrazovanja, do sigurnosti mladih. Slična strategija kreira se i u Republici Srpskoj.

Donošenjem i realizacijom dokumenata Omladinske politike Republike Srpske 2016 – 2020 i Strategije prema mladima Federacije BiH 2016 – 2020 uz učešće svih relevantnih aktera čiji je cilj unapređenje djelovanja i razvoja mladih, te poboljšanje života i položaja mladih, daje se jasan odgovor na pitanja i izazove sa kojima se mladi susreću“ – istakla je Katarina Vučković iz Instituta za razvoj mladih KULT.



Strategija prema mladima u FBiH, prvi je strateški dokument koji će tretirati probleme mladih u Federaciji i koja bi trebala stupiti na snagu 2016. godine.

Simbolično, na Međunarodni dan mladih, aktivisti Instituta za razvoj mladih KULT, svoje su vršnjake upoznali sa predloženim rješenjima koja će obuhvatiti ova strategija te su ih pozvali na aktivno učešće u njihovoj izradi i provedbi.

✚ SARAJEVO POLUMARATON: HUMANITARNA AKCIJA „TRČITE SA CILJEM, PREMA CILJU!“

Sarajevo polumaraton, u saradnji sa Institutom za razvoj mladih KULT, ove godine imat će snažan humanitarni karakter. „*Trčite sa ciljem, prema cilju!*“ – moto je humanitarne akcije koja za cilj ima prikupljanje sredstava za podršku projektima mladih koje su odabrali u Institutu za razvoj mladih KULT – Školi prijateljstva i Obrazovno-raznodnom centru za mlade SPAJALICA.

20. septembra 2015. godine u 9 sati ujutro ispred BBI centra u Sarajevu, deveti put označit će se start Sarajevo polumaratona. Međunarodni je to događaj, koji organizuje Udruženje „Marathon“ Sarajevo, a koji je tokom devet godina izrastao u najmasovniji sportski događaj u BiH, u kojem je prošle godine učestvovalo više od 1200 trkača i trkačica iz 32 države.

Ta činjenica, tvrde iz Udruženja, Bosni i Hercegovini i njenom glavnom gradu, donosi višestruku korist. „*Izuzev ekonomske, ekološke i sportske dimenzije projekta posebno nam je važan humanitarni aspekt jer želimo unaprijediti društvo u kojem živimo. Trkači i sportisti generalno, poznati su kao izrazito dobri i solidarni ljudi*“ - ističe Erol Mujanović, direktor Udruženja „Marathon“ Sarajevo, koje će ove godine, u saradnji sa Institutom za razvoj mladih KULT, prikupljati sredstva za podršku odabranim projektima mladih. Sportisti ali i gosti ovog sportskog događaja, ove će godine moći podržati rad Obrazovno-raznodnog centra za mlade SPAJALICA i Školu prijateljstva.

„*Obrazovno-raznodni centar za mlade SPAJALICA jedan je od vodećih društveno odgovornih centara za mlade u zemlji, koji kroz razne aktivnosti, usmjerava i motivira mlade ljude. Pored SPAJALICE, prisutni će moći dobro djelo učiniti i za Školu prijateljstva koja okuplja djecu do četvrtog razreda osnovne škole, kojoj stručni tim pomaže u učenju, rješavanju problema ili socijalizaciji*“ – istakla je Abela Purivatra iz Instituta za razvoj mladih KULT.

Svi polaznici se mogu registrovati putem web stranice www.sarajevomarathon.ba.

✚ POČINJE KREIRANJE STRATEGIJE PREMA MLADIMA U UNSKO-SANSKOM KANTONU

Pokrenut je postupak izrade Strategije prema mladima u Unsko-sanskom kantonu. Vlada Unsko-sanskog kantona zadužila je Ministarstvo obrazovanja, nauke, kulture i sporta da od kantonalnih ministarstava, javnih ustanova i javnih preduzeća zatraži imenovanje predstavnika/ca u Radnu grupu za izradu Strategije prema mladima USK u periodu od 2016-2020. godine.

Institut za razvoj mladih KULT imenovan je da, u saradnji sa Ministarstvom, pruži stručno-konsultativnu podršku u procesu izrade ove strategije.



Ovom zaključku Vlade USK prethodili su sastanci koje je Jasmin Bešić, izvršni direktor Instituta za razvoj mladih KULT, održao sa gosp. Izudinom Saračevićem, premijerom USK, te gosp. Damirom Hodžićem, predsjedavajućim Komisije za obrazovanje, nauku, kulturu, sport i mlade pri Skupštini USK i gosp. Kenanom Keserovićem, dopredsjedavajućim Komisije. Inicijativu za donošenje Strategije pokrenuo je gosp. Kenan Keserović, zastupnik u Skupštini USK.

Strategija, koja je i zakonska obaveza u svim kantonima FBiH, a čije su donošenje zagovarali i predstavnici Vijeća mladih USK, trebala bi precizirati jasne ciljeve i mjere brige vlasti o mladim ljudima.

✚ STEČENI UVJETI ZA FORMIRANJE VIJEĆA MLADIH FBIH: U GRUDAMA ODRŽANA OSNIVAČKA SKUPŠTINA VIJEĆA MLADIH ZAPADNOHERCEGOVAČKE ŽUPANIJE

U Grudama je održana osnivačka Skupština Vijeća mladih Zapadnohercegovačke Županije. Ovo vijeće čine tri lokalna vijeća mladih - općina Grude i Posušje, te grada Širokog Brijega.

Za predsjednika Vijeća mladih Zapadnohercegovačke Županije izabran je Mate Lončar iz Posušja, a dopredsjednik je postao Josip Zelenika iz Širokog Brijega. Za predsjednika Skupštine izabran je Martin Kondža (Grude), a za njegovog zamjenika David Naletilić (Široki Brijeg). Za tajnicu je izabrana Josipa Zorić iz Gruda. Mate Lončar, predsjednik Vijeća mladih Zapadnohercegovačke Županije, istakao je da mladi Zapadne Hercegovine zaslužuju da imaju iste mogućnosti kao i ostali u Bosni i Hercegovini.

„Udružili smo snage, radit ćemo onoliko koliko možemo, radit ćemo u skladu s našim mogućnostima i siguran sam da naš trud neće biti uzaludan“ – dodao je Lončar. Osnivačkoj Skupštini prisustvovala je i gđa Ružica Mikulić, ministrica obrazovanja, znanosti, kulture i sporta ZHK, koja je istakla da na mladima svijet ostaje i da trud ovih mladih ljudi da se izbore za sebe sigurno neće ostati nezapažen.

U ime domaćina, općine Grude, obratio se službenik za mlade Općine Srećko Mikulić, koji je poželio sreću i uspjeh u radu Vijeću mladih. Formiranjem Vijeća mladih Zapadnohercegovačke Županije, koje je šesto kantonalno vijeće u Federaciji BiH stekli su se uslovi za formiranje krovnog vijeća, Vijeća mladih Federacije Bosne i Hercegovine.



Osnivačkoj Skupštini prisustvovali su i predstavnici/e Instituta za razvoj mladih KULT BIH.

✚ NOVAC OD HUMANITARNE IZLOŽBE, MALIŠANI IZ ŠKOLE PRIJATELJSTVA URUČILI DJEČJEM DOMU BJELAVE



Prva humanitarna akcija u kojoj su učestvovali mališani iz Škole prijateljstva prošla je itekako uspješno. Nakon što su prodali skoro sve crteže na humanitarnoj izložbi u SPAJALICI, mališani su skupili novac i donirali ga Dječjem domu Bjelave. Sredstva će biti utrošena za opremanje jedne djevojčice za novu školsku godinu. Mališani su, pored prikupljenih novčanih sredstava, svojim vršnjacima uručili i poklone u vidu igračaka i odjeće.

Prva humanitarna izložba polaznika Škole prijateljstva održana je ispred Obrazovno-raznodnog centra za mlade SPAJALICA i bila je, slažu se mališani i njihovi roditelji, jako uspješna.



OMLADINSKO UDRUŽENJE NOVA VIZIJA

Opara bb, 72 290 Novi Travnik

Tel./fax: 061 309 687, 061 593 773

E-mail: ounovavizija@gmail.com

Facebook: <https://www.facebook.com/ounovavizija>

✚ OMLADINSKO UDRUŽENJE NOVA VIZIJA: BUDI DIO TIMA KOJI STVARA I REALIZUJE IDEJE“

Ovih dana vrijedna ekipa OU **Nove vizije** počela je sa zanimljivim edukativnim radionicama u sklopu projekta „Promovisanje zdravih životnih stilova među mladima u Bosni i Hercegovini osporavajući rodne stereotipe“.

U sklopu ovog projekta osnovan je i edukativno-zabavni klub pod nazivom „Budi muško klub“, a koji ima za cilj da okuplja srednjoškolce i mlade koji žele da grade svoje stavove i budu oni koji mijenjaju pravila koja često, nažalost, u našem društvu dovode do nasilja, kršenja osnovnih prava i narušavaju demokratske vrijednosti zajednice.

Mladima se otvara mogućnost da kroz razne aktivnosti - diskusiju, radionice, skečeve, uče zanimljive životne lekcije koje im često niko drugi ne govori. Radionice su otvorenog tipa i mogu da prisustvuju svi mladi, prvenstveno srednjoškolci koji kroz diskusiju žele da izgrade svoje stavove koji uvažavaju različitosti i poštivanje osnovnih načela ljudskog dostojanstva. Ovo je ujedno i jedinstvena prilika da se mladi druže, te kroz kreativne aktivnosti grade svoj prijateljstvo i otkrivaju svoje mogućnosti. „Budi muško klub“ dio je aktivnosti *Nove vizije*, a uskoro bi dio aktivno trebao početi i u srednjim školama na području ovog grada.



Projekat je finansiran od strane *Care International Balkans*, a pored Novog Travnika projekat se implementira u još 10 općina širom BiH.

Ako imate ideju i želite biti dio ovog projekta možete poslati svoje upite na zvanični mail ove organizacije: ounovavizija@gmail.com ili Facebook stranica <https://www.facebook.com/ounovavizija>





**ERNADA AVDIBEGOVIĆ, član Omladinske mreže, pojedinac
VIJEĆE MLADIH OPĆINE KLADANJ
E-mail: erna_begovic20@yahoo.com**

✚ „NO HATE“ LOKALNI TIM KLADANJ

Dana 07.8. 2015. u 19:00 h održane su prezentacije članica *No Hate* tima Kladanj, Anese Hidić i Fatime Mašić o temi „*Mladi i on line aktivizam*“.

U prezentaciji koja je trajala sat vremena prezentatorice su objasnile mogućnosti koje nudi internet mladima. Svaka prezentatorica je analizirala Facebook, Twitter, My Space, Instagram, Crowdmapping i ostale popularne virtualne brendove na internetu.

Prisutnima sa obratila i Ernada Avdibegović, vođa tima sa kratkim predavanjem o govoru mržnje na internetu.



✚ PRO BUDUĆNOST PROJEKTI



Omladinski krug Kladanj i Udruženje žena Podrinje iz Vlasenice dana 22.8.2015. su organizirali zajedničku ekskurziju u Sarajevo. Ovo je bila prilika da se žene iz dvije općine upoznaju, dogovore naredne projekte i posjete znamenitosti grada Sarajeva. Projekat je realiziran u okviru *Pro Budućnost* zajednica.

Dana 28.8.2015. u prostorijama Udruženja žena Podrinje u Vlasenici održana je edukacija o jačanju ženskih potencijala u saradnji sa organizacijom „Sara“ iz Srebrenice. Partner Udruženju žena Podrinje na ovom projektu je bilo udruženje Omladinski krug Kladanj.

Osim zajedničkih edukacija, učesnice seminara su zajedno ručale i razmijenile iskustva o svom radu. Ovaj projekat je dio četverogodišnjeg *PRO Budućnost* projekta.

✚ DANI DJEVOJAČKE PEĆINE

U sklopu manifestacije „*Dani djevojačke pećine*“ u Kladnju je 28.8.2015. održana smotra folkloru kulturno umjetničkih društava iz Kladnja, Olova i Kaknja. Prije samog nastupa na centralnom platou ispred općine, učesnici su prodefilovali glavnim gradskim ulicama gdje se okupio veliki broj građana.

Osim toga, u sklopu manifestacije Biciklistički Klub Kladanj organizirao je biciklističku utrku, petu po redu - što je preraslo u svojevrsnu tradiciju. Biciklisti su vozili na ruti Kladanj - Djevojačka pećina – Mladoševac – hotel Muška voda.

Biciklijada je startala u 11:00 h, a za sve učesnike je obezbjeđen ručak i piće. Pokrovitelj manifestacije je Općina Kladanj, BH Telekom, Turistička zajednica TK i Sportski Savez općine Kladanj.





OMLADINSKA ORGANIZACIJA "SVITAC"
Jusufa Čampare bb, 76 100 Brčko Distrikt
Tel./Fax: 049 211 032
Email: svitac@teol.net
Web: www.svitac.org
FB: www.facebook.com/omladinska.svitac

KREATIVNE RADIONICE

Omladinska organizacija Svitac je u avgustu nastavila sa svakodnevnim aktivnostima. Učesnici su podijeljeni na dvije grupe, uzrast 4-7 godina svakim danom od 11:00-13:00, a uzrast 8+ od 14:00-15:30 časova. Grupa sa mališanima od 4-7 godina je pravila lutkice od krpica i kartona, figurice od tijesta i plastelina, pečate od krompira i mala čudovišta od vune, balona i kartona. Cilj radionica je bio da mališani razviju maštu i da koristeći razne materijale izraze svoju kreativnost. U avgustu je 25 učesnika pohađalo kreativne radionice.

Poslijepodnevna grupa (uzrast 8+) je ovaj mjesec pravila maketu grada sa zgradama od kartona i materijala za reciklažu, nakit od vune, jojo loptice od balona i brašna i čudovišta od kutija za jaja. Učesnici su osmislili stripove na temu „*Vanzemaljac u posjeti Zemlji*“, koje su obojili drvenim i vodenim bojama i gusarske mape skrivenog blaga. Grupa je i ovaj mjesec radila kroz igru na osnovama gramatike engleskog i njemačkog jezika.



Radionice se održavaju u Omladinskom centru Brčko Distrikt. Koordinator radionica u avgustu je bila Asja Subašić uz asistenciju Weltwaerts i EVS međunarodnih volontera, Tamare Wonner i Nicolasa Zduna iz Njemačke, Johna Streatfileda, Isembarda Rynera, Kate Roberts, Sarah El-Taki i Catrione O' Sullivan iz Velike Britanije. Broj učesnika trenutno varira između 25 i 30.

RADIONICA „FUN DAY “(DAN ZABAVE)

Aktivnosti se održavaju srijedom i petkom u terminu od 10:30-12:00 u Omladinskom centru Brčko distrikta. Namijenjene su za mlađi uzrast (8-12 godina), sa ciljem da se učesnici zabave i druže uz razne interaktivne igre tokom ljeta. U ovom mjesecu su počeli sa radom na projektu dvorca od kartona i materijala za reciklažu. Trenutno ima 15 učesnika. Koordinator ovih radionica su EVS (Evropski volonterski servis) volonteri iz Velike Britanije, Kate Roberts, Sarah El-Taki i Catriona O' Sullivan.

MUZIČKE RADIONICE

- **Radionice gitare:** Učesnici radionice gitare nastavili su rad na etidama, minijaturama i duetima izabranim za njih u skladu sa njihovim mogućnostima i poznavanjem instrumenta. Većinom se radi o etidama iz perioda renesanse, baroka, klasike i romantizma ali i etidama modernijeg karaktera.

- **Radionice sambe:** Muzičke radionice sambe za djecu od 7-12 se održavaju srijedom u Omladinskom centru.

RADIONICA ENGLSKOG JEZIKA „I LOVE ENGLISH“

Učesnici su u avgustu imali priliku da učestvuju u debatama na temu poezija i književnost, zatim su nastavili sa vježbanjem konverzacije na engleskom jeziku. Koordinator radionica je EVS međunarodni volonter iz Velike Britanije, Katherine Roberts.

Radionice se održavaju ponedjeljkom i srijedom u terminu od 19:00-20:00 h u Omladinskom centru Brčko Distrikt. Trenutno ima 6 učesnika, uzrasta 15+.

✚ ŠTA IMA?! SPRECHEN-THEMEN- ARGUMENTIEREN - RADIONICE NJEMAČKOG JEZIKA

Za one koji zaista žele da nauče i usavrše znanje iz njemačkog jezika ova aktivnost je od velike koristi. Na radionicama trenutno ima 5 učesnika, uzrasta 18+. Radionice se održavaju u Omladinskom centru, ponedjeljkom i srijedom od 20:00-21:00 časova. Koordinator radionica su međunarodni volonteri iz Njemačke, Nicolas Zdun i Tamara Wonner.

Nicolas i Tamara su u ovom mjesecu učestvovali na interaktivnim radionicama – okrugli sto - „Stammtisch“, koje je organizirao „Glossa - centar za njemački jezik“ u Brčko distriktu. Mladi ljudi su imali priliku da kroz dijalog i druženje sa izvornim govornicima njemačkog jezika poboljšaju i usavrše svoje znanje i da nauče više o njemačkoj kulturi i aspektima života. Ovaj vid saradnje će se nastaviti ponovo u septembru, gdje će njemački volonteri Omladinske organizacije Svitac učestvovati u realizaciji školskog programa njemačkog jezika i prisustvovati jednom mjesečno na jednoj od interaktivnih radionica.



✚ SPORTSKE RADIONICE

Sportske radionice za djecu mlađeg uzrasta su u avgustu nastavljene jednom sedmično, svakog četvrtka od 14:00 do 15:30 časova. Broj učesnika varira od 8-15 uzrasta 8+. Radionice su podijeljene na tri dijela. U prvom dijelu se rade vježbe zagrijavanja, u drugom vježbe za motoriku sa loptom, a treći dio je najzanimljiviji jer se rade timske igre sa loptom, fudbal, odbojka i između dvije vatre itd. Radionice za odrasle se održavaju utorkom i četvrtkom u Omladinskom centru od 21:00-22:00 časova. Trenutno ima 5 učesnika.

Koordinator sportskih radionica je Nicolas Zdun, međunarodni EVS volonter iz Njemačke.

✚ NIDRI, GRČKA 2015 – LJETNI KAMP



ponašati u situaciji prevrtanja broda, spadanja jedra, te kako izaći iz drugih opasnih ili neprijatnih situacija tokom sportova na vodi.

Tokom dvije sedmice u avgustu (01. - 14.), četvero volontera iz Brčkog bili su na ljetnom kampu u Nidriju, na ostrvu Lefkada u Grčkoj.

Za vrijeme njihovog boravka tamo, naučili su kako najbolje veslati u kajaku, jedrenje, windsurfing, trapezing, i još nekoliko vodenih sportova, sve uz pomoć Horizon Watersports-a, malog centra za sportove na vodi u Nidriju, koji vode dobro obučeni, prijateljski nastrojeni, i entuzijastični ljudi. Volonteri su, takođe naučili odrediti jačinu i smjer vjetrova i kako se

Kamp je bio interesantan, čak i tokom dijelova kada se samo radilo na teoriji i simulacijama. Sve u svemu, kamp je bio veliki uspjeh, i volonteri su se lijepo proveli.

Za septembar se planira nastavak svih redovnih radionica Omladinske organizacije Svitac.



HO „PARTNER“ BANJA LUKA
Srđe Zlopogleđe 55, 78 000 Banjaluka
Tel./fax: 051 250 730
E-mail: partner@teol.net
<http://www.ho-partner.rs.sr>

✚ PETI FILMSKI FESTIVAL „MIJENJAJMO SVIJEST“

Peti filmski festival o osobama sa invaliditetom, čiji je ovogodišnji moto „*Mijenjajmo svijest*“, kojeg organizuje Humanitarna organizacija „Partner“, će se održati od 16. do 18. septembra, u Multimedijalnom centru Jevrejskog kulturnog centra „Arie Livne“ u Banjoj Luci.

U odnosu na prethodne godine, kada je festival trajao jedan dan, ovogodišnji Filmski festival će biti organizovan u večernjem terminu u trajanju od tri dana.

Festival je i ove godine revijalnog karaktera, jer je cilj festivala podizanje svijesti o potrebama i mogućnostima osoba sa invaliditetom. Prema riječima direktora Festivala Ognjena Ranisavića, filmovi koji će biti prikazani na Festivalu su priče o životu, o ljepoti života, i ako uzmemo u obzir to da je svačiji život najljepši onda nam takmičenje može samo upropastiti kvalitete koje negujemo kroz naš rad.



Poziv za dostavljanje filmova je ove godine bio otvoren tri mjeseca, tokom kojeg su pristigli filmovi iz različitih krajeva svijeta (Kina, Australija, Turska, Španija, Brazil, Italija, Hrvatska, Bosna i Hercegovina), tako da sa ponosom možemo istaći da je naš festival postao internacionalni.

Pored prikazivanja filmova, pripremamo i prateći program, koji će sigurni smo biti iznenađenje za sve posjetioce festivala.

Kako je Radio televizija Republike Srpske glavni medijski pokrovitelj ovogodišnjeg Festivala u narednom periodu ćemo javnost upoznati sa svim detaljima vezanim za njegovo održavanje. Ministarstvo prosvjete i kulture Republike Srpske je i ove godine pomoglo organizovanje Festivala, što je još jedan dokaz da je prepoznat njegov kvalitet.


Ovim putem pozivamo sve zainteresovane, a naročito građane Banjaluke, da posjete Festival i time daju svoj doprinos podizanju svijesti o osobama sa invaliditetom kao ravnopravnim članovima našeg društva.



H.O. Muslimansko dobrotvorno društvo - MERHAMET DOBOJ
 Kralja Aleksandra 17, 74 000 Doboj
 Tel./fax: 053 226 886
 E-mail: merhamet.doboj@cutuk.net
 Web: www.ngo.ba; www.facebook.com/Merhamet-Doboj

✚ AKTIVNOSTI H.O. „MERHAMEA“ DOBOJ U AVGUSTU 2015.

- Predsjednica „Merhameta“ Doboj, Avdić Faketa prisustvovala prvom sastanku Upravnog Odbora „Regionalnog Merhameta“ Banja Luka sa novim predsjednikom, gospodinom Admirom Svrakom, 4. 8. 2015.
- Aktivisti „Merhameta“ u posjeti bolesnoj članici Avdić Emi koja je izišla iz bolnice - 5. 8. 2015.
- Podjela humanitarne pomoći za članove „Merhameta“ Doboj - 8. 8. 2015. godine.



- Sastanak sa Tanjom Danilović - šeficom OSCE-a, 20.8.2015. godine. Pošto Tanja odlazi na drugo radno mjesto, posljednji sastanak smo održali u kafiću „Harizma“ u Doboju gdje nas je Tanja počastila. Zahvaljujemo se Tanji na divnoj saradnji, želimo joj puno uspjeha u budućem radu, jer ona je to zaista zaslužila svojom skromnošću, dobrotom, idejama, saradnjom sa svim epitetima.
- H.O. „Merhamet“ Doboj podjelom školskog pribora obradovao 413 djece - članova „Merhameta“ koja će s radošću krenuti u školu.



www.pronibrcko.ba**PRONI CENTAR ZA OMLADINSKI RAZVOJ****Mehmedagića 24, 76 100 Brčko distrikt BiH****Tel./Fax: 00 387 49 217 695****E-mail: pronibrcko@teol.net****www.pronibrcko.ba****+ OMLADINSKA RAZMJENA U NJEMAČKOJ**

Osam mladih volontera predstavnika PRONI Centra za omladinski razvoj iz Brčko distrikta boravilo je sedam dana u njemačkom gradu Leipzigu gdje su zajedno sa volonterima iz Portugala i Njemačke učestvovali na projektu „*Designing a Wall-Leaving traces Part 2*“.

Realizator projekta bila je organizacija „Geysnerhouse“ iz Leipziga, a cilj projekta bio je povezivanje mladih ove tri zemlje kroz dizajniranje tri mozaika koji će krasiti zidove u okviru organizacije. Mladi su uz pomoć stručnjaka imali priliku naučiti različite tehnike izrade mozaika koje su potom primjenjivali prilikom realizacije svojih ideja.

Tokom sedmodnevnog boravka učesnici projekta imali su priliku bolje upoznati grad Leipzig, njegovo kulturno i historijsko naslijeđe, te mnogobrojne zanimljivosti koje grad nudi. Osim kreativnog rada na mozaicima i odličnog druženja učesnici su imali i večeri kada su pripremali tradicionalna jela, te održali kratke prezentacije o zemljama iz kojih dolaze.



Prvi dio projekta „*Designing a Wall-Leaving traces*“ održan je 2014. godine gdje su učešće uzeli mladi iz Španije, Francuske i Njemačke.

+ PRONI S MLADIMA 365 DANA U GODINI!

Od početka svog postojanja rukovodstvo i mladi ljudi u PRONI Centru pružaju ruku partnerstva lokalnim vlastima u cilju poboljšanja položaja mladih u Brčko distriktu BiH, ali i drugdje. Napori za bolji položaj mladih koje PRONI ulaže 365 dana u godini su prepoznati u regiji, oba entiteta, ali i na međunarodnom nivou. Unatrag desetak godina Međunarodni dan mladih je dan kada zajedno s mladima ukazujemo na njihov položaj, potrebe i izazove, ali i nudimo rješenja.

Napominjemo da su predstavnici PRONI Centra sudjelovali u izradi prvih strateških dokumenata za mlade u Republici Srpskoj, posebno Bijeljini. Danas naš generalni menadžer radi sa jednom od radnih grupa Vlade Republike Srpske na izradi treće Omladinske politike Republike Srpske. Istovremeno, PRONI je direktno uključen u izradu i implementaciju lokalne omladinske politike grada Bijeljine već godinama. Član smo Omladinskog savjeta Bijeljina, te članica skupštine Omladinskog savjeta Republike Srpske.

Zajedno sa partnerima, pomogli smo osnivanje Vijeća mladih u Orašju, Domaljevcu, Teočaku, Srebreniku i drugim mjestima sjeveroistočne BiH i na taj način pomogli mladima da dobiju svoje predstavnike u dijalogu sa lokalnim vlastima. Suosnivači smo prve mreže omladinskih centara u BiH, te mreže lokalnih volonterskih servisa, gdje svakodnevno surađujemo sa drugim članicama. Od prvog saziva Povjerenstva za koordinaciju pitanja mladih Bosne i Hercegovine do danas, PRONI je jedina organizacija koje ima svoje predstavnike u sva tri saziva ovog jedinog tijela za mlade na državnom nivou.



U Brčko distriktu BiH, kao jedinom dijelu BiH koji nema riješeno pitanje mladih, smo jedni od najvećih zagovarača usvajanja zakona o mladima, zakona o volonterizmu, izrade strategije za mlade i drugih relevantnih dokumenata za mlade, te usklađivanja rada svih sektora koji se bave mladima u Brčko distriktu BiH. Istovremeno, upravo je PRONI Centar organizacija koja je educirala generacije omladinskih radnika i radnica, inicirala i podržala osnivanje gradskog omladinskog centra, podržala mlade koji su pokrenuli niz inicijativa u Brčkom i šire.

Pored svega navedenog, nama su uspjesi mladi ljudi koji svakodnevno sa nama rade i koji biraju biti aktivni u našoj organizaciji najvažniji uspjeh u radu. Ovo posebno ističemo danas na Međunarodni dan mladih kada su Ujedinjene nacije odlučile da ovogodišnja tema dana mladih bude građanski aktivizam. Od 1998. do danas PRONI Centar je surađivao sa desetinama hiljada mladih ljudi, a naše članstvo broji preko 2000 članova/ca u Brčkom, Bijeljini i okolnim mjestima. Posebno smo ponosni na to što prijateljstva i odnose koje stvore u našoj organizaciji mladi čuvaju dugo.

Ovogodišnji međunarodni dan mladih ističe građanski aktivizam mladih kao važan segment za razvoj cjelokupnog društva. Upravo zato je iznimno važno da i mladi ljudi Brčko distrikta BiH dobiju svoje mjesto i konkretne mjere lokalnih vlasti u rješavanju svih pitanja mladih. Mladi koje mi poznajemo su istinski aktivni svaki dan u svojoj zajednici.

Ovim putem se zahvaljujemo i na prvim čestitkama Gradonačelnika od osnutka Distrikta, te kao što smo prošle godine pitali za čestitanje ove godine pitamo za konkretne mjere i akcije za rješavanje pitanja mladih u našem gradu. Krajnje je vrijeme i iznimno je važno da Vlada Brčko distrikta BiH usvoji zakon o mladima, definira mlade ljude, definira njihova prava i obveze u svakom segmentu života, strateški pristupi mladima i ponudi konkretne mjere za sva pitanja mladih u našem gradu.

PRONI Centar u ovom procesu stoji na raspolaganju lokalnim vlastima sa svim svojim resursima, jer mladi ljudi Brčko distrikta BiH ne mogu i ne smiju biti drugačiji od svojih vršnjaka u ostatku BiH ili regije. Oni to i nisu, jer se svaki dan sreću sa istim izazovima kao i vršnjaci, a lokalna vlast im mora biti partner u prevazilaženju ovih izazova svaki dan.



NGO "EKO-LEONARDO YOUTH CLUB"

Priboj bb, Lopare, Priboj 75 249

Mob: +387 (0)65 474 893, 065 538 494

E-mail: mikicarock@yahoo.com; ekoleonardo@hotmail.com

Web: www.eko-leonardo.info

+ REGIONALNA AKADEMIJA ODRŽIVOSTI - KAMPANJA PRIKUPLJANJA SREDSTAVA

NVO „EKO-Leonardo“ strateški je usmjerena na razvoj omladinskog i ekoturizma, zaštiti biodiverziteta uz omladinski aktivizam i kreativnost mladih kroz održiva rješenja za dobrobit lokalnih zajednica u kojima djelujemo.

Projektna vizija: Organizovani i udruženi oko zajedničke vizije bolje i zdravije budućnosti u kojoj će se životna sredina poštovati i cijeniti kao majka, a ne eksploatisati i uništavati, članovi našeg udruženja svojim odgovornim radom doprinose razvoju ekološke svijesti, očuvanju i unapređenju životne sredine za održivi razvoj.



EKO-Leonardo



Misija turizma: rekreacija ljudskog tijela i duše, uživanje u blagodatima prirode očuvanjem životne sredine, promocija održivog korišćenja prirodnih dobara kroz uvezivanje lokalne zajednice u cilju napretka iste.

Definicija: Kamp je objekat u kome se na uređenom prostoru turistima iznajmljuje prostor za kampovanje, uređaji i oprema za kampovanje (šatori, kamp kućice sa pratećim sadržajima i dr.). Ovaj kamp se gradi u ruralnoj sredini i samim tim otvara kanale i razvoju seoskog turizma. Ukratko, šta su kampovi? Metodološki i sadržajno, kampovi su specifična sredina za rad i učenje djece i mladih.

Naziv projekta je „EKO-kamp Majeвица-održiva turistička destinacija“. Generalni cilj projekta je generisati kreativnosti u dizajniranju sadržaja EKO-kampa Majeвица, realizovati uspješne ideje i ojačati ljudske resurse u sferi omladinskog i ekoturizma. Ukupni budžet projekta (uzeti u obzir ukupna sredstva 17.550,00 KM = planirana prikupljena sredstva 9.727,00 KM + matching sredstva 7.823,00 KM Fondacija MOZAIK + planirane donacije u robama i uslugama/protunovčana vrijednost). Projekat finansira Evropska unija.

+ PROJEKAT „YOUTH SCIENTIFIC AND RESEARCH CAMP“

Projekat „Youth Scientific and Research Camp“ - Naučno-istraživački kamp za mlade upravo treba da krene sa realizacijom 2015. godine. Planirano je trajanje 12 mjeseci. Projekat finansira u cjelosti Ambasada SAD, a iznos Projekta je oko 45.000 US dolara. Trajanje kampa: 7 dana (termin će biti utvrđen na prvom sastanku Konzorcija). Broj učesnika u kampu: ukupno 100, od čega 80 mladih (studenti/srednja škola) i 20 odraslih.

Mladi perspektivni studenti podijeljeni u šest timova iz pojedinih oblasti nauke provest će istraživanje tokom boravka u Kampu koje će biti pod mentorstvom univerzitetskih profesora, te imati sportske i volonterske aktivnosti. Odabrani naslovi i istraživanje unutar mješovitih timova okupljenih u okviru oblasti nauke, ali iz različitih krajeva BiH, motivirat će studente na aktivizam i međusobnu saradnju. Rezultati istraživanja bit će javno publikovani i promovisani.

U vrijeme pisanja aplikacije za Projekat partneri koji su potvrdili svoje učešće na Projektu su:



1. ToPeer Doboj (RS),
2. EkoLeonardo Priboj (RS),
3. Radio Klub Kreka (FBiH),
4. Eko-Zeleni Tuzla,
5. Rudarsko-geološko-građevinski fakultet Tuzla
6. Fakultet za sport i tjelesni odgoj Tuzla
7. Europski univerzitet Brčko
8. NGO Vrisak Mostar
9. Umjetnička grupa "Lucido" Lukavac.

Osim toga niz naših članova i saradnika i još nekoliko organizacija je učestvovalo u dogovorima i pripremi. Projekat će biti otvoren za organizacije i pojedince koji nisu u toku pripreme pravovremeno dostavili svoje saglasnosti, kao i drugim zainteresiranim stranama, u okviru odobrenih projektnih aktivnosti, njihove dinamike, raspoloživih sredstava i drugih ograničenja.

„AKTIVIRAJ SE I VOLONTIRAJ ZA ZDRAVU ŽIVOTNU SREDINU“

Ekološko udruženje Eko Put Bijeljina u partnerstvu sa NVO EKO-Leonardo implementiraju projekt: „Aktiviraj se i volontiraj za zdravu životnu sredinu“.

Prioritetna oblast: Unapređenje zaštite životne sredine kroz uključivanje građanskog aktivizma i volonterizma.

Ciljana grupa: Lokalna vlast, stanovništvo grada urbane i ruralne sredine, Civilna zaštita, volonteri, mladi, udruženja građana, osjetljive kategorije građana, mediji, broj direktnih korisnika je najmanje 600. Mjesto implementacije, grad Bijeljina. Trajanje projekta 6 mjeseci.

Sveukupni cilj projekta: Unapređenje zaštite životne sredine kroz uključivanje građanskog aktivizma i volonterizma, jačanjem zajedničke vizije i ciljeva, te učešća javnosti u procesu donošenja i implementacije odluka i aktivnosti u oblasti zaštite životne sredine u redovnim i u vanrednim situacijama.



AKTIVIRAJ SE I VOLONTIRAJ ZA ZDRAVU ŽIVOTNU SREDINU



Projekat se implementira uz finansijsku podršku programa „Jačanje lokalne demokratije/demokracije IV – LOD IV“ i projekat je koji sprovodi Razvojni program Ujedinjenih nacija (UNDP), a kojeg finansira Evropska unija iz sredstava Instrumenta za predpristupnu pomoć (IPA) u iznosu od 2 miliona eura.

INFORMACIJE / DONATORI / POZIVI

1. Omladinska banka: Poziv za omladinske organizacije i neformalne grupe mladih

KAMPANJA „BUDI JUNAK SVOJE ZAJEDNICE“

Mlad si i član si omladinske organizacije ili neformalne grupe mladih iz Srebrenika, Kalesije, Živinica, Lukavca ili Tuzle. Imaš ideju koja bi unaprijedila kvalitet života mladih sa područja tvoje zajednice. Omladinska banka Fondacije tuzlanske zajednice nudi ti mogućnost da napišeš svoju ideju u vrijednosti od 1.200 KM do 2.200 KM, osvojiš lovu i budeš junak svoje zajednice.

Cilj kampanje

Ohrabriti mlade aktiviste u lokalnoj zajednici da su oni istinski junaci svoje zajednice. Potaći lokalne privredne subjekte i pojedince da finansijski podrže projekte mladih junaka

Podržavamo:

Kroz kampanju Fondacija tuzlanske zajednice podržat će 25 projekata mladih sa ukupnim iznosom od 35.000,00 KM.

Kako aplicirati:

Sve što je potrebno da uradiš jeste da dobro osmisliš svoju ideju kojom ćeš napraviti promjenu u svom mjestu, popuniš formular koji se nalazi na našoj web stranici, pronađeš 20 prijatelja koji su spremni za tvoju ideju donirati po 10 KM i sačekaš odluku Odbora Omladinske banke iz mjesta gdje živiš.

Rok za prijavu:

Poziv je otvoren od 24. augusta do 27. septembra 2015.

Potruga za blagom:

Ukoliko tvoj projekat bude izabran u **PET** najboljih u tvojoj zajednici, na 200 KM koje su obezbijedili tvoji prijatelji, biće dodato 1.000KM od Fondacije tuzlanske zajednice, dok ćeš preostali novac obezbijediti učešćem u promotivnom fundraising događaju „Potraga za blagom“.

Nemoj da brineš, svaki junak ima dobre vile koje ga prate u njegovoj namjeri.

„Potraga za blagom“ podrazumijeva prezentaciju projekata kod društveno odgovornih preduzeća i pojedinaca-filantropa koja/i su odlučila podržati kampanju. Oni su tvoje „dobre vile“. Ovime ti pružamo mogućnost da svoju ideju prezentuješ „dovrim vilama“ i obezbijediš dodatna sredstva za svoj projekat.

Ukoliko budeš uporan, možeš pronaći blago i tvoja ideja može da bude ostvarena

Nemoj da brineš i misliš da si sam, superjunaci poput tebe su svuda oko nas.

Sve dodatne informacije o uslovima apliciranja možeš pronaći u dokumentu „Kriteriji za izdavanje grantova“, a ukoliko ima nešto što nije jasno, možeš nas kontaktirati na broj tel. 035 362 832 ili posjetiti direktno u kancelariji na adresi Pozorišna 13, Tuzla.

Ne zaboravi jednu veoma bitnu informaciju – „Mi podstičemo mlade da čine pozitivne promjene u svojim životima i lokalnoj zajednici u kojoj žive“.

Dodatne informacije i dokumente možete pronaći ovdje. Više informacija na:

<http://www.mreza-mira.net/23650-omladinska-banka-poziv-za-omladinske-organizacije-i-neformalne-grupe-mladih/#sthash.zNnTn2mA.dpuf>

2. EIDHR: Svjetski poziv za projekte 2015

Glavni cilj ovog poziva je doprinijeti promociji i zaštiti ljudskih prava i osnovnih sloboda, kroz podršku organizacijama civilnog društva, kao i doprinijeti jačanju međunarodnog okvira promocije i zaštite ljudskih prava, pravde i vladavine prava.

Referenca: EuropeAid/150264/DH/ACT/Multi

Objavljeno: 03.08.2015

Status: Otvoreno do 01.10.2015

Program: Ljudska prava

Geografsko područje: Sve zemlje

Budžet: 26,866,185 (EUR)

Link: [Dokumenta](#)

Ovaj poziv se odnosi na pet ciljeva podijeljenih u pet različitih oblasti:

- LOT 1 – podrška organizacijama koje se bave ljudskim pravima na grassroot (osnovnom, bazičnom) nivou
- LOT 2 – Podrška monitoringu i efektnoj implementaciji specifičnih međunarodnih konvencija ratificiranih od strane GSP+ zemalja (zemlje u razvoju)
- LOT 3 – Podrška borbi protiv smrtne kazne
- LOT 4 – Podrška migrantima, uključujući azilante u trećim zemljama, ljude bez države i raseljena lica
- LOT 5 – Podrška djeci koja su povezana sa oružanim snagama, grupama i bandama i na koje je ostavilo traga oružano nasilje

Više informacija na:

<http://tacso.org/eu-corner/eu-calls/?id=12316>

<http://www.mreza-mira.net/23423-eidhr-global-call-for-proposal-2015/#sthash.AZaTsNae.dpuf>

3. Europska fondacija za mlade – Bespovratna sredstva za međunarodne aktivnosti mladih

Europska fondacija za mlade (EYF) je fond osnovan od strane Vijeća Europe, sa svrhom pružanja financijske potpore za europske aktivnosti mladih. Fond ima za cilj potaknuti saradnju među mladim ljudima u Europi pružanjem financijske potpore za aktivnosti kao što su promicanje mira, razumijevanja i suradnje u duhu poštivanja ljudskih prava, demokracije, tolerancije i solidarnost.

Vrste aktivnosti koje se sufinanciraju:

- Obrazovne, društvene, kulturne i humanitarne aktivnosti europskog karaktera;
- Aktivnosti u svrhu unapređenja bliže suradnje i boljeg razumijevanja među mladima u Europi, osobito u razvoju razmjene informacija;
- Aktivnosti s ciljem jačanja mira i suradnje u Europi;
- Aktivnosti kojima je cilj poticati uzajamnu pomoć u Europi i zemljama u razvoju za kulturne, obrazovne i društvene namjene;
- Studije, istraživanje i dokumentaciju o pitanjima mladih.

Rok prijave:

1. oktobar 2015. godine za strukturalna bespovratna sredstva 2016.-2017. godine. Više informacija možete pronaći [ovdje](#). Više informacija na:

<http://www.mreza-mira.net/23147-europska-zaklada-za-mlade-bespovratna-sredstva-za-medunarodne-aktivnosti-mladih/#sthash.lqGOyhXf.dpuf>

4. National Endowment for Democracy NED Program Grantova

Rok za prijavu: 02.10.2015.

Svake godine National Endowment for Democracy (NED) daje direktne grantove stotinama nevladinih organizacija širom svijeta koji rade na unapređenju demokratskih ciljeva i jačanju demokratskih institucija.

Iznos granta zavisi od veličine i obima projekta, ali u prosjeku svaki grant traje 12 mjeseci i iznosi do 50,000\$. NED je privatna, neprofitna fondacija, posvećena rastu i jačanju demokratskih institucija širom svijeta.

Područja:

- Promocija i odbrana ljudskih prava i vladavine prava;
- Podrška slobodi informacija i nezavisnim medijima;
- Jačanje demokratskih ideja i vrijednosti;
- Promocija odgovornosti i transparentnosti;
- Jačanje organizacija civilnog društva;
- Jačanje demokratskih političkih procesa i institucija;
- Promocija civilnog obrazovanja;
- Podrška demokratskom rješavanju konflikata;
- Promocija slobode udruživanja;
- Jačanje široko pojasne tržišne ekonomije.

Aplikacije se mogu slati pute maila/pošte/ ili faksa.

<http://www.fundsfornegos.org/free-resources-for-ngos/national-endowment-for-democracy-ned-grants-program/>

Više informacija na:

<http://www.mreza-mira.net/22586-national-endowment-for-democracy-ned-grants-program/#sthash.UiNFJKmA.dpuf>

5. Poziv za prijave na omladinski trening “Borba protiv govora mržnje kroz jačanje građanskih medija” u Sarajevu od 27. septembra do 2. oktobra 2015. godine

Centar za post-konfliktna istraživanja (CPI) poziva mlade ljude iz Bosne i Hercegovine između 18-30 godina starosti da učestvuju na radionicama pod nazivom “Borba protiv govora mržnje kroz jačanje građanskih medija” koje će se održati od 27. septembra do 2. oktobra 2015. godine u Sarajevu.

Radionice će se fokusirati na edukaciju polaznika o tome kako da prepoznaju, prate i prijavljuju slučajeve govora mržnje i diskriminacije. Na radionicama će također biti govora o korištenju građanskog novinarstva u cilju proaktivnog izazivanja negativnih stereotipa i predrasuda protiv drugih etničkih i manjinskih grupa u Bosni i Hercegovini.

Odabrani učesnici će imati mogućnost da uče od stručnjaka iz oblasti novinarstva, fotografije i filmskog stvaralaštva, te će imati priliku i podršku da u narednoj godini dana objavljuju svoje publikacije na multimedijalnoj web platformi CPI pod nazivom “*Balkan Diskurs*”.

Balkan Diskurs je regionalna mreža pisaca, blogera, multimedijalnih umjetnika i aktivista koji su se ujedinili kao odgovor na nedostatak objektivnih, relevantnih, osnažujućih i nezavisnih regionalnih

medija. Publikacije objavljene na ovoj web stranici povezuju teme izvan granica i pružaju nove i nezavisne poglede u oblasti izgradnje mira, ljudskih prava i tranzicione pravde.

Naš cilj je da obučimo mlade ljude koji će raditi kao lokalni dopisnici za *Balkan Diskurs*. CPI će učesnicima pružiti priliku za zaradu novčanih honorara.

CPI prepoznaje da mladi ljudi nemaju dovoljno prilika da iskažu svoje stavove i da slobodno iznose svoju zabrinutost, ideje i mišljenja o pitanjima koja ih se tiču. Mi vjerujemo da je od velike važnosti da se čuje glas mladih i da se mladi ljudi shvate kao ozbiljni donosioci odluka u procesima tranzicije i izgradnje mira u BiH.

Broj slobodnih mjesta je 15. Ukoliko ste zainteresovani za učešće, javite se na:

e-mail events.pcr@gmail.com, kako bi preuzeli obrazac za prijavu.

Od izabranih učesnika se očekuje prisustvo tokom sva 4 dana radionica. Troškovi prevoza, smještaja i hrane će biti obezbijeđeni za izabrane kandidate.

Više informacija na:

<http://www.mreza-mira.net/23584-omladinski-trening-borba-protiv-govora-mrznje-kroz-jacanje-gradanskih-mediya/#sthash.C2gyF42z.dpuf>

Dragi prijatelji,

Ukoliko ste zainteresovani da se u mjesečnom informativnom biltenu Omladinskog resursnog centra (ORC) Tuzla i Omladinske mreže Bosne i Hercegovine objave: vaši pozivi za zajedničke aktivnosti i saradnju, informacije o aktivnosti, konkursi za radna mjesta, apeli za pomoć ili podršku, saopštenja za javnost i svi drugi nekomercijalni oglasi, možete se javiti na jednu od dole navedenih adresa.

Rok za dostavljanje informacija za svako naredno izdanje je 30.-ti u mjesecu.

WEB Stranica Mreže:

sCh design

Webmaster:

Emir Delalić-Zeko -
Tuzla
emir.delalic@gmail.com

web: www.omladina-bih.net

mejling lista Mreže:

posta@omladina-bih.net

Adrese za slanje vaših informacija za mjesečni bilten:

hcatuzla@bih.net.ba; orctuzla@bih.net.ba
fax: 035 258 077

Omladinski resursni centar Tuzla

Hadži Bakirbega Tuzlića 1,
75000 Tuzla

tel / fax: 035 258 077

e-mail: orctuzla@bih.net.ba

hcatuzla@bih.net.ba

Mjesečni bilten uređuje Omladinski resursni centar - ORC Tuzla